

Էջմիածնում: Թէև մի կողմից Վաղարշապատը եւ շրջակայքի հայ զինուորական աշխարհը, իրենց ներշնչող ազդեցութիւնն են թողել երիտասարդ բանաստեղծի քնարի վրայ, ներշնչել են նրան ժողովրդական եւ հայրենի մտախններ, բայց, միւս կողմից էլ սակայն, վանքի մթնոլորտը մի զգալի չափով մարել է նրա մէջ բանաստեղծական կրակը, շեղել է նրան իր կոչումից: Եւ դա հասկանալի է. վանքի շրջապատը, վանականների հասարակութիւնը այն մթնոլորտը չեն, ուր ծաղկել եւ փթթիլ կարող է բանաստեղծութեան ծաղիկը:

Եւ իսկապէս. մինչ Այրարատեան դաշտը, Մասիսներն ու Արագածը, մայր Արաքսն ու Քասախը մի կողմից, իսկ միւս կողմից էլ Վաղարշապատը եւ Յաղպատը, Աշտարակն ու Արագածոտնի գիւղերը եւ առհասարակ հայ Միջնաշխարհը իր ներկայով ու անցեալով, իր բնութեամբ եւ եռուն կեանքով ամենաազնիւ, ամենաանկեղծ ներշնչումների մի-մի անապակ ազդիւր են հանդիսացել մեր բանաստեղծի համար, միւս կողմից, ընդհակառակը, էջմիածնական սաղբանքները, ամէն մի կենդանի ոգեւորութիւն եւ ներշնչում խափանող վանական մթնոլորտը, նեղ ու անհրապոյր շրջապատը, այլ եւ առօրեայ մանր ու զծուծ հաշիւները, ընտանեկան եւ ընկերային անպիթ ճողերը կապանք են դրել բանաստեղծի երեւակայութեան վրայ, պահեցրել են նրա եռանդը, մարել ոգեւորութիւնը: Դրա հետ միասին՝ նոյն այդ վանական մթնոլորտը իւրատեսակ «ներշնչումներ» է պարտադրել բանաստեղծին, դարձնելով նրան մի տեսակ վանական-արքունի ներքողագիւր:

Ո՛վ ծանօթ է Յովհաննիսեանի անհատական կեանքի, ո՛վ ի մօտոյ դիտել է զայն էջմիածնում ու հետեւել միեւնոյն ժամանակ նրա այդ օրերի ստեղծագործութեան, նա նկատած կը լինի նաեւ այն, որ այս վերջինը իսկապէս որ մի զգալի չափով արգասիք է այդ ազդեցութեանց: Ճեմարանի երբեմնի սաները, Յովհաննիսեանի աշակերտները կը յիշեն անշուշտ, որ նման ազդեցութիւնների տակ են դառնուել, երբեմն մինչեւ իսկ ապսպրուել, նրա՝ այս կամ եկեղեցական տօնին, այս կամ այն անձին նուիրուած, այս կամ այն առթիւ գրուած ո-

տանաւորներից շատերը: Եւ դրանք նախապէս լոյս են տեսել «Արարատ» ամսագրում: Քաղաքը, հասարակական մեծ կենդրոնները շատ աննշան չափերով են ազդել բանաստեղծի վրայ, նրանք արտացոլուած չեն Յովհաննիսեանի գրականութեան մէջ:

Հայ բանաստեղծներից՝ Յովհաննիսեանի վրայ ամենից շատ ազդել է իր ուսուցիչ Սըմբատ Շահազիզը: Ռաֆայէլ Պատկանեանին եւս Յովհաննիսեանի գրական ուսուցիչների շարքը դասելու է: Այդ այդպէս լինելով հանդերձ, Յովհաննիսեան շատ շուտ զծեց իր սեփական գրական ուղին, որ հիմնովին տարբեր էր իր նախորդների ուղիից: Ու հէնց դրանով էլ նա իր տեղը շահեց հայ գրականութեան պատմութեան մէջ: Այդ մենք կը տեսնենք դեռ:

Ինչ վերաբերում է ուսու ու երոսպական ազդեցութիւններին, դրանց շարքում յիշելու է նախ եւ առաջ ուսու դասական բանաստեղծներ Պուշկինին եւ Լերմոնտովին, որոնք մեծապէս ազդել են առհասարակ արեւելահայ բանաստեղծներից շատ շատերի եւ մանաւանդ Յովհաննիսեանի եւ Թումանեանի վրայ: Յովհաննիսեան խորապէս ազդուել է նաեւ 80-ական թուականների ուսու քնարերգակ-բանաստեղծ Նադսոնից, որ մեռաւ երիտասարդ հասակում: Յովհաննիսեան միշտ էլ, ամէն պատեհ առթիւ, մի առանձին գուրգուրանքով էր յիշում Նադսոնի անունը:

Ինչ վերաբերում է, վերջապէս, երոսպացի բանաստեղծներին, այդ տեսակէտից նախ եւ առաջ անուանել պէտք է դերմանացի Հայնէին, այլ եւ Շիլլէրին ու Գէօթէին: Անգլիացի մեծ բանաստեղծ Բայրոնն եւս Յովհաննիսեանի դրական ուսուցիչներից մէկը համարելու է: Ռուս ու երոսպացի այս բանաստեղծների մի շարք ոտանաւորները Յովհաննիսեան հայացրել է, այն էլ՝ շատ շնորհալի կերպով: Այդ եւս փոքր արժանիք չէ:

Շեշտել պէտք է առհասարակ, որ Յովհաննիսեան իր ժամանակակից հայ գրողների շարքում ամենից շատ զարգացածներից էր, գրական լայն պատրաստութեան տէր:

3.— ԺԱՄԱՆԱԿԸ

Յովհաննէս Յովհաննիսեանի դործը դնա-
հատելու, նրա տեղը մեր գրականութեան